

Cyflwyniad

Cyflwyniad i ymgyrchwyr di-blaid

Mae'r ddogfen hon ar gyfer pobl sy'n ystyried ymgyrchu mewn etholiadau ond nad ydynt yn sefyll fel plaid wleidyddol nag ymgeisydd.

Cynnwys:

Cyflwyniad i ymgyrchwyr di-blaid

Pryd y bydd ymgyrchoedd yn cael eu rheoleiddio

Pryd i ddod yn 'drydydd parti cydnabyddedig'

Termau ac ymadroddion a ddefnyddir gennym

Rydym yn defnyddio '**rhaid**' pan fyddwn yn cyfeirio at ofyn cyfreithiol neu reoleiddiol penodol. Rydym yn defnyddio '**dylech**' ar gyfer eitemau yr ydym yn ystyried eu bod yn arfer da, ond nad ydynt yn ofynion cyfreithiol.

Nid oes raid i chi ddilyn y cyfarwyddyd hwn, ond os gwnewch hynny, byddwch, fel arfer, yn gwneud digon i gydymffurfio â'r gyfraith.

Ein hymagwedd at orfodi

Os na fyddwch yn gydymffurfio â'r gofynion cyfreithiol neu reoleiddiol fe allwch chi a'ch sefydliad fod yn ddarostyngedig i gosbau sifil neu droseddol. Gallwch gael rhagor o wybodaeth am ymagwedd y Comisiwn at orfodi yn www.electoralcommission.org.uk/party-finance/enforcement.

Cyflwyniad i ymgyrchwyr di-blaid

Ar gyfer pwy y mae'r ddogfen hon:

Pobl sy'n ystyried ymgychu yn y cyfnod cyn etholiad ond nad ydynt yn sefyll fel plaid neu ymgeisydd gwleidyddol.

Mae'r ddogfen yn trafod:

- Cyflwyniad ar gyfer ymgychwyr di-blaid
- Pwy sy'n rheoleiddio ymgychoedd
- Pryd y bydd ymgychoedd yn cael eu rheoleiddio
- Pryd y bydd arnoch angen cofrestru yn 'drydydd parti cydnabyddedig'

Dogfennau cysylltiedig:

- [Golwg gyffredinol ar ymgychoedd di-blaid](#)
- [Golwg gyffredinol ar ddeunydd ymgychu di-blaid](#)
- [Rheoli gwariant ymgych ddi-blaid](#)
- [Sefyllfaoedd a gweithdrefnau: Digwyddiadau hysting](#)

2

Crynodeb

Mae pleidiau gwleidyddol ac ymgyrchwyr yn hanfodol i ddemocratiaeth iach ac rydym yn annog ymgyrchwyr i gymryd rhan weithredol.

Bydd y cyflwyniad hwn yn rhoi'r pwyntiau allweddol i chi am y rheolau ar ymgyrchu di-blaid ac yn dweud wrthyich ble y gallwch gael hyd i ragor o wybodaeth.

Cyflwyniad

Unigolion neu sefydliadau sy'n ymgyrchu mewn etholiadau yw ymgyrchwyr di-blaid, ond nad ydynt yn sefyll fel pleidiau gwleidyddol neu ymgeiswyr. Yn y gyfraith etholiadol, rydym hefyd yn galw'r unigolion neu sefydliadau yma yn 'drydydd parti'.

Efallai y byddwch am ymgyrchu ar faterion penodol, neu dros neu yn erbyn pleidiau neu ymgeiswyr penodol.

Y mathau o ymgyrchoedd di-blaid

Mae dau fath o ymgyrch ddi-blaid.

Sef:

- **Ymgyrchoedd lleol** – ymgyrchoedd di-blaid dros neu yn erbyn un neu fwy o ymgeiswyr mewn etholaeth, ward neu ardal etholiadol arall.
- **Ymgyrchoedd cyffredinol** – ymgyrchoedd di-blaid dros neu yn erbyn plaid wleidyddol, polisi, pwnc penodol neu fath arbennig o ymgeisydd.

Mae rheolau gwahanol yn berthnasol i'r ddau fath yma o ymgyrch ddi-blaid.

Mae rheolau ar wahân ar gyfer ymgyrchu mewn refferendwm.

Am ragor o wybodaeth gwelwch ein tudalen gyfarwyddyd i [ymgyrchwyr mewn refferenda](#).

4

Pwy sy'n rheoleiddio'r ymgyrchoedd?

Ymgyrchoedd lleol

Mae ymgyrchu dros neu yn erbyn un neu fwy o ymgeiswyr mewn ward neu etholaeth benodol yn cael ei drin gan Ddeddf Cynrychiolaeth y Bobl 1983 (RPA) neu ddeddfwriaeth gyfatebol yn yr Alban, Cymru a Gogledd Iwerddon.

Nid ydym yn rheoleiddio ymgyrchoedd lleol, na'r rheolau sy'n berthnasol iddynt. Dylid cyflwyno unrhyw gwynion am dorri'r rheolau i'r heddlu.

Ymgyrchoedd cyffredinol

Mae ymgyrchoedd cyffredinol yn cael eu rheoleiddio gennym ni, Y Comisiwn Etholiadol.

Os byddwch yn ymgyrchu dros neu yn erbyn pleidiau gwleidyddol, polisiau, problemau penodol neu fathau o ymgeiswyr efallai y bydd angen i chi gofrestru â ni a dilyn y rheolau ar wariant ar ymgyrch, rhoddion ac adrodd yn ôl.

Pryd fydd ymgyrchoedd cyffredinol yn cael eu rheoleiddio?

Mae ymgyrchoedd yn cael eu rheoleiddio yn y cyfnod cyn etholiadau i:

- Senedd Ewrop
- Senedd y Deyrnas Unedig
- Senedd yr Alban
- Cynulliad Cenedlaethol Cymru
- Cynulliad Gogledd Iwerddon

Am ragor o wybodaeth ar y rheolau ar gyfer y ddau fath o ymgyrchu, gweler y ddogfen hon:

- [Golwg gyffredinol ar ymgyrchoedd di-blaid](#)

Dim ond pan fydd yr etholiad yn disgyn o fewn y cyfnod a reoleiddir ar gyfer un o'r etholiadau a restrir ar y chwith y bydd gwariant ar etholiadau awdurdod lleol yn dod dan y rheolau ar gyfer ymgyrchoedd cyffredinol.

Ar gyfer pob etholiad mae 'cyfnod a reoleiddir' y mae'r rheolau ar wariant a rhoddion yn berthnasol ynddo.

Rydym yn cyhoeddi cyfarwyddyd penodol ar gyfer **etholiad bob blwyddyn sy'n esbonio pryd y bydd y** cyfnod a reoleiddir yn cychwyn a faint allwch chi ei wario.

Pryd fydd angen i chi gofrestru fel 'drydydd parti cydnabyddedig'?

Os byddwch yn rhedeg ymgyrch 'gyffredinol' a'ch bod yn gwario neu'n bwriadu gwario mwy na £10,000 yn Lloegr neu £5,000 yn yr Alban, Cymru neu Ogledd Iwerddon ar ddeunydd etholiad, bydd raid i chi gofrestru gyda ni yn 'drydydd parti cydnabyddedig'.

Yn rhinwedd y ffaith eich bod yn 'drydydd parti cydnabyddedig', rhaid i chi gydymffurfio â'r rheolaeth gyfreithiol ar wariant a rhoddion.

Am ragor o wybodaeth gweler y ddogfen hon:

- [Golwg gyffredinol ar ymgyrchoedd di-blaid](#)

Pwy all gofrestru yn 'drydydd parti cydnabyddedig'?

Dim ond y mathau canlynol o unigolion neu sefydliadau all gofrestru a dod yn 'drydydd parti cydnabyddedig':

- Unigolyn sydd wedi cofrestru ar gofrestr etholwyr yn y Deyrnas Unedig neu sy'n preswyllo yn y Deyrnas Unedig.
- Plaid wleidyddol a gofrestrwyd yn y Deyrnas Unedig.
- Cwmni a gofrestrwyd yn y Deyrnas Unedig sydd wedi ei ymgorffori yn yr Undeb Ewropeaidd ac sy'n cynnal busnes yn y Deyrnas Unedig.
- Undeb llafur a gofrestrwyd yn y Deyrnas Unedig.
- Cymdeithas Adeiladu a gofrestrwyd yn y Deyrnas Unedig.
- Partneriaeth atebolrwyd cyfyng a gofrestrwyd yn y Deyrnas Unedig sy'n cynnal ei busnes yn y Deyrnas Unedig.

6

- Cymdeithas gyfeillgar, ddiwydiannol, ddarbodus neu adeiladu a gofrestrwyd yn y Deyrnas Unedig.
- Cymdeithas heb ei hymgorffori sy'n gweithredu yn y Deyrnas Unedig ac yn cynnal y mwyafrif o'i busnes neu weithgareddau eraill yn y Deyrnas Unedig.

Gallwch gofrestru â ni trwy ddefnyddio [ffurflen TP1](#) ar ein gwefan.

Os na allwch gofrestru, ni allwch wario mwy na £10,000 yn Lloegr neu £5,000 yn yr Alban, Cymru neu Ogledd Iwerddon ar ymgyrch gyffredinol.



[TP1](#)

Sut gallwn ni helpu

Gallwch ddod o hyd i ragor o wybodaeth yn y dogfennau cyfarwyddyd yr ydym wedi eu hawgrymu yn y ddogfen hon, neu gallwch weld ein dewis llawn o gyfarwyddyd ac adnoddau cyfredol ar ein gwefan.

Os yw hynny'n haws, gallwch hefyd gysylltu â ni ar un o'r rhifau ffôn neu gyfeiriadau e-bost isod. Rydym yma i'ch helpu, felly cysylltwch â ni.

Ffoniwch ni ar:

- **Lloegr:** 020 7271 0616
pef@electoralcommission.org.uk
- **Yr Alban:** 0131 225 0200
infoscotland@electoralcommission.org.uk
- **Cymru:** 029 2034 6800
infowales@electoralcommission.org.uk
- **Gogledd Iwerddon:** 0289 089 4020
infonorthernireland@electoralcommission.org.uk

Ewch i'n gwefan yn www.electoralcommission.org.uk

Rydym yn croesawu adborth ar ein cyfarwyddyd – anfonwch e-bost atom yn: pef@electoralcommission.org.uk

8

Cyfieithiadau a fformatau eraill

I gael gwybodaeth ynghylch cael y cyhoeddiad hwn mewn iaith arall, neu ar ffurf fersiwn print bras neu Braille, cysylltwch â'r Comisiwn Etholiadol:

Ffôn: 020 7271 0500

E-bost: publications@electoralcommission.org.uk